

EVROPSKE STUDIJE

INTERDISCIPLINARNI MASTER STUDIJI



UNIVERZITET U SARAJEVU

CIS Centar za
interdisciplinarne
studije



UNIVERZITET U SARAJEVU

**Ekonomski
fakultet u Sarajevu**



Prof. dr.
Azra Hadžiahmetović

O EVROPSKIM STUDIJIMA

"U Bosni i Hercegovini, kao rezultat procesa evropskih integracija, intenzivirala se potreba za stvaranjem novog profila stručnjaka u svim oblastima sa specifičnim poznavanjem Evrope kao ekonomsko-političke tvorevine. Centar za interdisciplinarne studije Univerziteta u Sarajevu i Ekonomski fakultet Univerziteta u Sarajevu (AACSB, EPAS akreditiran) zajedno izvode interdisciplinarni master program «Evropske studije». Ovaj studij na inovativan i moderan način obrazuje kadrove koji će biti okosnica procesa integracija u jedinstveni evropski prostor."

KOME JE STUDIJ NAMIJENJEN?

Studij je namijenjen diplomiranim studentima i studenticama svih fakulteta, koji imaju potrebu i želju da doprinesu u procesima tranzicije i pridruživanja Bosne i Hercegovine Evropskoj uniji, kao i njenom uspješnom pozicioniranju nakon ulaska u ovu integraciju. Obzirom da je riječ o deficitarnom kadru za kojim postoji sve veća potreba, ovaj studij nudi mogućnost napretka u državnim institucijama sadašnjim i budućim diplomantima, državnim službenicima i ekspertima na svim nivoima vlada. Jasno je, dakle, da će sadašnji i budući menadžeri imati velike koristi od ovog master studija obzirom da je međunarodna poslovna saradnja sa Evropskom unijom neizostavna, te je zbog toga ovaj studij namijenjen zaista širokom krugu osoba iz raznih oblasti života u Bosni i Hercegovini.

STUDIJSKI PROGRAM „+1“

Studijski program traje jednu godinu (dva semestra, ukupno 60 ECTS). U prvom semestru, izučava se 5 obaveznih predmeta, a u drugom semestru pristupa se izradi i odbrani Master teze. U okviru prvog semestra nastava se izvodi na BHS i engleskom jeziku.

STUDIJSKI PROGRAM „+2“

Studijski program traje dvije godine (četiri semestra, ukupno 120 ECTS). Program obuhvata 11 obaveznih predmeta i 8 izbornih predmeta. U okviru prvog i drugog semestra studenti izučavaju 5 obaveznih predmeta, u trećem semestru pohađaju jedan obavezni, tri izborna i projekat. U četvrtom semestru studenti rade završni rad po izboru.

O EVROPSKIM STUDIJIMA

„Danas, kada Bosna i Hercegovina iskazuje jasan stav da uzme učešća u integracionim procesima, ovaj studij ima dodatnu vrijednost i omogućava mladim ljudima da steknu znanja koja će im omogućiti da u budućnosti budu akteri i kreatori evropskog puta Bosne i Hercegovine. Istina, ovaj studij zahtijeva određenja predznanja iz različitih oblasti ali uz kvalitetne predavače, kakve smo imali na Evropskim studijama, i ovaj problem se lako mogao prevazići.“



Faris Vehabović, sudija Evropskog
suda za ljudska prava u Strasbourgu

KONCEPT STUDIJA

U implementaciji studija primjenjuju se bolonjski standardi: mobilnost (studenta/ica, predavača/ica, istraživača/ica), ECTS, partnerstvo univerziteta (učešće inostranih predavača u realizaciji predmeta, rad na razvoju nastavnog plana i programa), te evropska dimenzija visokog obrazovanja. Po završetku studija studenti stiču akademsko zvanje - magistar evropskih studija. Diplomom izdaje Univerzitet u Sarajevu.

USLOVI ZA UPIS

Kriteriji za selekciju kandidata/kinja su sljedeći: akademski kvalitet (prosjek ocjena dodiplomskog studija), aktivno znanje engleskog jezika, jaka motivacija, komunikativnost. Izbor kandidatkinja i kandidata vrši Vijeće studija na osnovu predatih aplikacija i traženih dokumenata (univerzitetska diploma, transkript ocjena, dokument koji potvrđuje aktivno znanje engleskog jezika, preporuke, pismo motivacije).